



গণপ্রজাতন্ত্রী বাংলাদেশ সরকার

কৃষি বিপণন অধিদপ্তর

খামারবাড়ি, ফার্মগেট

ঢাকা-১২১৫।

www.dam.gov.bd



স্মারক নম্বর: ১২.০২.০০০০.০০৮.৩৫.০০১.১৭.৩৪

তারিখ: ৬ জ্যৈষ্ঠ ১৪২৭

২০ মে ২০২০

বিষয়: ভ্রাম্যমাণ ভ্যানের মাধ্যমে আম, লিচুসহ মৌসুমি ফল বিক্রয়ের ব্যবস্থা গ্রহণ প্রসঙ্গে।

উপর্যুক্ত বিষয়ের প্রেক্ষিতে জানানো যাচ্ছে যে, বৈশ্বিক মহামারী করোনার প্রভাবে বাংলাদেশের শাকসবজি ও মৌসুমি ফলসহ কৃষিপণ্যের পরিবহন এবং বাজারজাতকরণে বিরূপ প্রভাব পড়ছে। কৃষকেরা তাদের উৎপাদিত কৃষিপণ্য বিক্রি করতে পারছে না। বড় শহরের বাজারে ক্রেতার আগমন প্রায় না থাকায় ও জনগণের আয় হ্রাস পাওয়ার কারণে বাজারে কৃষিপণ্যের চাহিদা হ্রাস পেয়েছে, ফলে পাইকার ও আড়তদারগণ কৃষিপণ্য ক্রয়ে আগ্রহ হারাচ্ছে। কৃষিপণ্য পরিবহন শেষে ট্রাক খালি ফেরার আশঙ্কায় ভাড়া দ্বিগুণ হয়ে যাচ্ছে। এ সকল কারণে ক্ষেতেই নষ্ট হচ্ছে বেশির ভাগ উৎপাদিত ফল ও সবজি।

০২। করোনা উদ্ভূত পরিস্থিতিতে আম, লিচুসহ মৌসুমি ফল এবং কৃষিপণ্য বাজারজাতকরণ বিষয়ে ১৬ মে, ২০২০ খ্রিঃ তারিখে মাননীয় কৃষিমন্ত্রীর সাথে খাদ্যমন্ত্রী, পররাষ্ট্র প্রতিমন্ত্রী, তথ্য প্রযুক্তি প্রতিমন্ত্রী, নৌ-পরিবহন প্রতিমন্ত্রীসহ সংশ্লিষ্টদের নিয়ে একটি অনলাইন মতবিনিময় সভা অনুষ্ঠিত হয়। উক্ত সভায় আম, লিচুসহ মৌসুমি ফল বাজারজাতকরণ বিষয়ে ১০টি সুপারিশ গৃহীত হয়। এর মধ্যে উল্লেখযোগ্য সুপারিশ হলো অনলাইনে এবং ভ্রাম্যমাণ ভ্যানের মাধ্যমে ছোট ছোট পরিসরে আম, লিচুসহ মৌসুমি ফল কেনাবেচার ব্যবস্থা করা।।

০৩। বর্ণিতাবস্থায়, করোনা মহামারীর এই দুর্যোগে কৃষকদের স্বার্থ সুরক্ষায় অনলাইনে এবং ভ্রাম্যমাণ ভ্যানের মাধ্যমে ছোট ছোট পরিসরে আম, লিচুসহ অন্যান্য মৌসুমি ফল বিক্রয়ের প্রয়োজনীয় ব্যবস্থা গ্রহণের জন্য নির্দেশনা প্রদান করা হলো।

২০-৫-২০২০

মোহাম্মদ ইউসুফ

মহাপরিচালক

সিনিয়র কৃষি বিপণন কর্মকর্তা/কৃষি বিপণন কর্মকর্তা/ জেলা
বাজার কর্মকর্তা/জেলা বাজার অনুসন্ধানকারী (সকল)

স্মারক নম্বর: ১২.০২.০০০০.০০৮.৩৫.০০১.১৭.৩৪/১(৭)

তারিখ: ৬ জ্যৈষ্ঠ ১৪২৭

২০ মে ২০২০

সদয় অবগতি ও কার্যার্থে প্রেরণ করা হল:

১) উপ-পরিচালক, ঢাকা/চট্টগ্রাম/রাজশাহী/সিলেট/খুলনা/বরিশাল/রংপুর

২০-৫-২০২০

মোহাম্মদ ইউসুফ
মহাপরিচালক